

欽定大清會典圖


欽定大清會典圖卷一百九十三


輿地五十五

湖北省全圖

武昌府圖

湖北省全圖





湖北省在

京師西南。武昌府為省治。湖廣總督湖北巡撫布政司共治焉。統府十州一。武昌府東南黃州府。西南荊州府。施南府。西北漢陽府。德安府。安陸府。荊門州。宜昌府。襄陽府。鄖陽府。大江自四川夔州府東南流入境。經宜昌府南。至荊州府西。清江出施南府東。流注之。沮水出鄖陽府。漳水出襄陽府。合東南流注之。屈東與湖南岳州府分界。折東北。經武昌。漢陽二府西南。長夏河出荊州府西。合洪湖水東南注之。右納黃蓋湖陸水。


又東北。沔水自安陸府東南分。漢水南流為東  
荆河。折東匯為鄧老湖。又東北注之。又經省治  
北。漢陽府治東。會漢水。水自陝西興安府東流  
入境。經鄖陽府治西南。堵水亦自興安府來。屈  
北流注之。又經襄陽府西北。均水自河南南陽  
府來。西南流注之。南河出鄖陽府西南。東北流  
注之。又經府治北。消水自南陽府來。合唐河。白  
水西南流注之。又經府治東而南。至安陸府東  
南。右出為東荆河。又經漢陽府西。涓水出德安  
府西北。潯水自河南汝甯府來。合南流注之。又


經府治北而東會大江。大江又東。倒水自河南光州來。舉水出黃州府東北。合南流注之。折南經黃州府治西。梁子湖在省治東南。東流注之。又經府治南而東。巴河出府東北。浠水自安徽六安州來。經府東北。並西南流注之。又東北富水出武昌府東南。東流注之。又東北入江西九江府界。太白湖在黃州府東南。東出合黃梅縣河。復潯為感湖。又東接安徽安慶府界。淩水白溪河俱出宜昌府西南。並南流入湖南澧州界。白水河即酉水北源。在施南府東南。入湖南永



順府界。東至安徽界。西至四川界。北至河南界。  
南至江西界。西北至陝西界。西南至湖南界。

武昌府圖





武昌府為湖北省治在

京師西南三千一百五十五里。領州一縣九。沿江  
夏。西南咸甯嘉魚蒲圻崇陽通城東南武昌大  
冶通山興國州。大江自湖南岳州府臨湘縣緣  
界東北流。經嘉魚縣西南北岸為漢陽府沔陽  
州界。又東北經荊州受新店水。水即大嶓水。源  
出蒲圻縣西南。北流經港口司左。納馬家洞羊  
樓崗皇華橋七寶橋諸水。至新店鎮左。納白石  
巖水。又北流。納東港水。潯為黃蓋湖。北流經嘉  
魚縣西南。東通柳山湖。北流至島口。注於江。大

江又東北經赤壁山至新口受陸水。水上源曰雋水。出通城縣幕阜山北麓西北流合丁沖鋪靈官市水。折東北流左納石角鋪長堤園水。經縣治北上雋鄉右納秀水。又東北新安港即菖蒲港自縣東南合南樓嶺水。虛空港水。鯉港水。太平港水。西北流注之。黃沙港合北港。龍藏港。左港。梅港。鐵東港諸水。東流注之。又東北經崇陽縣西南左納湛家港伍港水。又東北黃苔港。自通城縣東合永王村水。西北流注之。又北左納城下港二小水。又東北桂口港合二小水。東

南流注之梓木港水西北流注之肥田港自蒲圻縣水桐嶺合雙港陽秋港水東南流注之又東北吳城港即高視水自通城縣東南合避原港太原港寒泉港金港細港東流港諸水西北流注之又北折東右納白泉港水又經縣治南受白石港水水上流曰大東港出義甯州北境三界尖合小東港坑水中保港西北流羊港自咸甯縣蓮荷嶺合白羊山水白巖水來會又西北流合浮溪水注陸水陸水又北流左納鹿門鋪水右納蘆泉港水又西北黃沙港合東泉諸

水西流注之。又經洪上汛左納崇陽港水。又經蒲圻縣東南壺頭山右納三眼橋水。折西左納荊港水。白石砦水。又北經縣治東赤馬港合諸小水西流注之。又西北流左右各納數小水。東北瀦為郎當湖。折西南流。小羅湖水北流注之。又西北流。大羅湖水北流注之。又西北經嘉魚縣西南。西出為大節港。南通松柏湖北通嘉魚縣柳山湖。至島口注於江。正渠東北流。別出為梅湖。又西北流至界石。別出為小港。又北流至陸水新口。注於江。大江又東北經陸溪口至石。



磯頭小港自界石東北流。瀦為大雅湖。密泉湖。北湖。七星湖。經縣治西。注之。又東北經縣治北。其西為漢川縣界。右出為荷花渚。折西流。經鱗洲司。又東北至上沙。泚經江夏縣西南。至下沙。泚經赤磯山。受塗水。水即金水。一曰咸河。源出咸甯縣南。浚水。嶺合數小水。北流。白楊港即東源。合濯港水來會。西北流。左右各納二小水。北流經縣治西。官埠港合赤土港諸小水。西北流。注之。又北流。瀦為斧頭諸湖。東納桃花港諸小水。西為西良湖。汀泗水合梅子嶺水。三汊港水。

廟台河北流注之。任家橋水合永豐橋諸水東  
北流注之。西南納大橋諸水。其北別出為嘉魚  
港。斧頭湖。又北過斧頭山西。北出與嘉魚港會。  
又西北會魯湖水。南淩湖水。北經金口司注於  
江。大江又東北經省治西。南巡司河上承黃家  
湖。清甯湖。湯孫湖。八分湖南湖。賽湖。諸水經鮎  
魚司北流注之。又東北。其北為黃陂縣界。南受  
郭鄭諸湖水。又折東南。其北為黃州府黃岡縣  
界。經白澣山。西港承嚴西湖。北湖。東港承嚴東  
湖。諸水合流注之。又經武昌縣西北。南通張家

湖新港湖張白湖磧磯湖上塘湖又東分流至三  
江口復合。湯湖港承崗山淡湯諸湖水東北流  
注之。又至樊口。樊口港一曰長港。上承梁子湖  
烏翎湖保安湖諸水東流注之。梁子湖在江夏  
縣東南。張橋湖仙人湖前湖後湖吳塘湖諸水  
匯焉。烏翎湖在武昌縣西南。高橋河一曰東河。  
自咸甯縣東南桃花尖合。張家橋水大墓山水  
大頭坳水鹿過橋水大田山水西龍港水樊詩  
橋水小港水北流匯焉。保安湖北為三山湖。在  
大冶縣西北。大洪山積山鐵山諸水匯焉。大江

折東南通南湖黃山湖華家諸湖。又南至趙家洲。其東為蘄水縣界。分流復合。至黃石港市受華家諸湖水。又南流。西通張家諸湖。又東南流經西塞山北。其東為蘄州界。西通油榨諸湖。至淦源口。淦源湖。一曰金湖。一曰南湖。其西曰下袁湖。曰新橋湖。曰六鍾湖。匯鴻賓橋水。樓儒橋水。石龍山水。馬家湖水。西北流注之。又東南經興國州東北。海口湖受費海橋諸水注之。經黃陂口。又東南。其東為廣濟縣界。西通郝賽諸湖水。又至富池口。受富水。水一名長河。出通山縣。

南白羊尖即青湓山。合二小水西北流。其別源自北山合虎阮山水東北流來會。折東北流。右納聶家隴水。左納湄港水。經縣治南。縣河合白虎山水寺下鋪水山口鋪水東流注之。又東北。左納鄭家坪水。經興國州西南。寶石河自通山縣合崇福會水。小源河水。桐港橋東港西港水北流來注之。折東。左納長灘橋水。又東北。慈水合小港水。石馬鋪水。東南流注之。又東南。左納二小水。經陽新市南。寶塘河合大平山水。宣教里水東北流注之。又東流。左納二小水。又東龍

港自江西九江府瑞昌縣北羊腸山合茶寮水  
依山水經龍港司北流注之。又東流左納三小  
水。折北西通長塘湖。又東北港口水自大墓山  
合寶佛山水白沙橋水及諸小水東流注之。又  
東流北通沫賽諸湖。南通東春湖水。經州治南。  
又東北通歐家湖明湖網湖諸水。南通西湖戎  
湖舒婆湖夾節湖諸水。又東流經富池口司注  
於江。大江又南流入江西九江府瑞昌縣界。府  
南界江西南昌府。東及東北界黃州府。北至西  
界漢陽府。東南界江西九江府。西南界湖南岳

州府西北界漢陽府

欽定大清會典圖卷一百九十四


輿地五十六


漢陽府圖

安陸府圖




漢陽府圖一





漢陽府圖二

南



[illegible]

漢陽府在省治西北十里。至

京師三千一百五十里。領州一縣四。治漢陽。西北漢川孝感。東北黃陂。西南沔陽州。大江自荊州府監利縣緣界東北流。經沔陽州南。南岸為武昌府嘉魚縣界。受洪湖水。湖在州南。東為鯉魚湖北。為土地湖。西為梓潼湖。匯境內。及荊州府監利縣子貝淵諸水。南流注於江。大江又東北經新關南。受長夏河。河自監利縣東北流入界。經州西南。南通洪湖。東出為馮姓河。又東北流。柴林河上。承監利縣龍潭河北。合李家河來注。

之。又東經峯口市。後河中府河並分東荆河水  
合為玉帶河來注之。折東南流經老溝西。左通  
烏柳湖。又南為天祥河。左通洋圻湖。右納馮姓  
河。又南為傅家河。又南注於江。大江又東南岸  
為武昌府嘉魚縣界。經烏林南。又東有寶塔洲。  
又東經吉祥菴前。又東經漢陽縣南。又東過燕  
子窩至北河口。折北流。又折西。古江湖水北流  
注之。至新灘口。新灘水上承鄧老湖水經平坊  
東北流注之。鄧老湖在沔陽州東境。南通大沙  
湖北通鷺鷥湖。西南通大同湖。烏柳湖洋圻湖。



匯東荆河州河諸水。東荆河自監利縣東流入  
界。經沔陽州西。右出支津。曰後河。曰中府河。並入  
長夏河。正渠東北流。合潛江縣來之班灣水。又  
東。經州南。一名沖河。又東。過馬鞍市。經鄭道湖  
北。新河上承州河水。東南流注之。又東。右通大  
同湖水。又東。會州河。河自潛江縣來。經州西北  
東流。左合剏河。右出新河南。通磔子湖。過三江  
口。洛江河亦自潛江縣來。右出二支津。為剏河  
為永長河。左通通順河。右合排湖。復合永長河  
及沙嘴河來注之。折東南。左通大興垸湖。又南。

東北出一支津曰北河。又南。右通鱖魚湖。又南折東。左通隔牆湖。復東北出一支津曰南河。又西南會東荆河。折東流過鍋底灣司。又東北流。潞於鄧老湖。大江又北折東過東河腦。又東北經大軍山。東岸為江夏縣界。至沌口司受沌水。水上流為長河。亦自鄧老湖東北流經縣西南。南河一名響水。河北河一名柳溝水。並上承州河水。東北流注之。又東北葉家河首受漢水。東北流歧為數支。白三汊河。白尹承河。白產芝河。並經府治西南合流為黃絲河來注之。又東道。

諸湖水注於江。大江又東北經府治東北漢口鎮受漢水。水自安陸府天門縣東流入界。經沔陽州北。東流經仙桃鎮。通順河自天門縣東流分支來注之。又東右出支津曰沙觥河曰葉家河。又東北左受沈湖水。又東北至漢川縣脈旺鎮受城隍港支流水。又東北右出為南河注產芝河。又東北經縣治西南受城隍港水。港上流為田二河。承天門縣牛蹠支河水東流入界。經縣西南。夾河即城隍臺河會天門縣華嚴松石兩湖水南流注之。經田二河驛為田二河。又東

南歧為二。北為喬梓港。注中柱湖。南為城隍港。東南流。右分一支。注漢水。又東北分一支。注河汊湖。又東北。北通諸湖水。折東南。經城隍港口。注漢水。漢水又東。經縣南。曲折東北。流經縣東。溢港上承。溢泥諸湖水。東南流。注之。又東北。至新溝西。受湏水。水自德安府雲夢縣東南流入界。經縣西北。左通牛洛湖。又西南。至府河口。受大松湖諸水。又東。右通小松諸湖。左受牛洛湖水。又東。左通淪水。折南。右通溢港水。又東南。注漢水。漢水經漢陽縣西北。東南流。金牛港上承。

白湖黃連諸湖水東北流注之。又東南經林郭  
山北受石湖水。又東左出為襄河故道。又東官  
湖會墨水。湖南湖諸水北流注之。又東經府治  
大別山北漢口鎮南東流注於江。大江又東北  
至黃陂縣南由家磯受淪水。水上流為澤河。自  
河南汝甯府羅山縣南流入界。經孝感縣北左  
納耿家河。右納雷公姥清風湖。土地嶺水。又南  
余家河合蓋頂山水西南流注之。右納黑河。又  
南柳林河合一水西流注之。又南左納細河。右  
納朱家河。又南大麥河合株木嶺水滾子河及

小觀山水並西流注之。又南經花園市西。其別源曰黃沙河。自應城縣來。合廣水。河鐵石港支子港及安陸縣吉陽山諸水東南流來會。又南黃家河。一曰淮水。合官納溝。棗園河。胡家堰。朋興店諸水為晏家河。西南流注之。又南左納教子山水。右納三山寺水。又南水月港。合王家河。吳家河水。西南流注之。又東南經縣治西。李家湖。匯陡岡埠河及應山縣境水。東出為蔡家河。來注之。又東南入埠口水。合曲港及十洋湖。朱湖諸水。東北流注之。折東左納董湖水。又南歧。


二支。一支西南流為淪水。右通朱湖。諸水注於  
涓水。一支東南流。楊馬湖南流注之。蒲湖匯澶  
川河。朱家河水南流注之。白水湖匯黃土塘水。  
界河水和尚橋水東南為童家湖。又南流注之。  
經黃陂縣北。府治西北。西湖。貓兒湖。桑臺湖。諸  
水東流注之。又東至小河口。會溝水。溝水東源  
自黃州府黃安縣西南。流合陶家河入界。經黃  
陂縣東北。西源自河南汝甯府羅山縣來。合嚴  
家河。謝官河。左家河。經兩河口來會。右納柏葉  
山水。又南流。南門港上承彭城河。汪家河東南


流注之。又南經平港。義倉河上承石盤河。謝家河東南流注之。又西南右納泊沫港水。折東南王家河。即馬家港。合二小水。西南流注之。又西南右納下石港水。經縣治東。別出為東河。匯於鵞湖。又西南右納洋漫諸湖水。經溝口鎮。右納後湖水。又東南會淪水。注於江。大江又東至沙口。武湖匯新橋徐家河。蔡家河及鵞湖諸水。南流注之。折東南入黃州府黃岡縣界。大松湖在漢川縣西北。其東曰小松湖。南曰濫泥湖。西曰曲湖。曰河。漢湖北曰慈湖。西北通應城縣之三



台湖。五龍河注之。又西曰芒稻湖。曰黃金湖。曰中柱湖。曰楊林湖。曰南湖。阜角鋪河。縣河。夾河田二河。並自天門縣來注之。府東至南界武昌府。西界陸安府。北界河南汝甯府。西南界岳州府。及荊州府。西北界德安府。東北界黃州府。

安陸府圖





安陸府在省治西北五百三十五里。至

京師三千二百里。領縣四。治鍾祥。東南京山。天門。潛江。漢水自襄陽府宜城縣南流入界。經府治西北。蠻水亦自其縣東南來注之。至豐樂河司汛。豐樂河出縣北娥皇洞。西南流經窄山砦南。右合宜都縣之黑汊河注之。又西經官橋鋪西。左納碾盤山溪水。又南受樂鄉河。河自荊門州東流入界。曰長板河。經府治西北。折東南仍入州界。合石橋河。復經府治西。合樂鄉關河。又東經仙女山北。為利河。注漢水。漢水又東南為蔣

家灘。又東至直河鋪受敖水。水一曰直河。出縣東北黃仙洞。南流折西左合京山縣之大河。劉家冲水。又東至溫峽口分流。右納龍角砦昇平砦水。至洋梓鎮復合。又西枝水即上中下三沙河。出縣北橫嶺合五龍砦水。二泉水。金龍砦水及二小水西南流為殷家河來注之。又南曰直河。注於漢水。漢水又經府治西南流至獅子口。折而西。塘港上承何家店水。冷水港水東流注之。又南經石牌鎮東。王家港上承荊門州當陽縣之竹陂河。瓦灘河上承荊門州之楊枝港水。

並東流注之。又南經楚堤西，右納王子港及鄧  
家湖水。又東折南，其西岸為荊門州界。又經王  
家營，至京山縣西南丁口潭，折而東，至多寶灣。  
又東南，經潛江縣西北，至吳家改口，南播為夜  
汭河。西南流，至新灘口，歧為二：東南出者曰東  
荊河，錯入荊州府江陵縣界，曰直路河，復經縣  
南，東南流入荊州府監利縣界。其西出者曰西  
荊河，過荊河口市南，至腰口，曰三汭河，復歧為  
二：一南流，匯於返灣湖，入江陵縣界；一西流，會  
馬仙港水，緣界西南流，合其州長湖諸水，復經

縣西南分流入江陵以界。漢水又東北至策口。又東北播為蘆汴河。南流至縣治東。排沙渡東。出二汶津為通順河。洛江河。並經天門縣西南。入漢陽府沔陽州界。其正渠南流為縣河。又南至班灣鋪為班灣河。至六合垸南入荊州府監利縣界。漢水又東北經天門縣西南。又東南至牛䟽口塘北播為牛䟽河。復分支東流為古獅子河。牛䟽河東流為乾河。經乾灘鎮南。又東城隍臺河合華嚴湖松石湖水南流注之。又東南入漢陽府漢川縣界。漢水又東南至麻洋潭塘。



北入漢川縣界。縣河上流為白河。出京山縣西。北聊屈山。南流合雙泉觀虎爪山諸水。折西合賽子河。又南。澁水出縣西。潼泉山西流為司馬河來會。又西南至南河集。右合鍾祥縣之小河。水為南河。折東南經永隆河鎮為永隆河。又至天門縣西南港口。右納一小水。又東至三岔口。楊河出京山縣西南山。南流合其縣之馬溪河。注之。又東。巾水河出京山縣南湖山寺南流來注之。又東南至縣治南為義河。沙河上承石家湖水西南流注之。又東。右納小板港水。又東。師

家河出京山縣南。南流為柳家河。匯於石家湖。東通張家湖水。又南流為黃龍河。來注之。又東北至白湖口。受洩水。水出京山縣北池河。山西南流。合余家河。折東南。左納數小水。至縣南。左納沙河。觀音巖水。又東南。左納老道山水。至縣東北。匯為白湖。分流注縣河。縣河又東入漢川縣界。大富水自德安府隨州大洪山東南流入界。經京山縣西北。左納太陽山水。右納白馬泉水。又東南至雙河口。小富水出縣北晏子嶺。東南流來會。又東南為宋家河。又東南經故縣北。

又東南。石板河出縣北牛頭嶺。屈東南流注之。  
又東入德安府應城縣界。漳水二。一自隨州東  
南流入界。經京山縣東北入德安府安陸縣界。  
一自襄陽府南漳縣西流入界。經鍾祥縣西折  
西南入荊門州當陽縣界。府東及東北界德安  
府。西至北界襄陽府。南界荊州府。東南界漢陽  
府。西南界荊門州。

欽定大清會典圖卷一百九十五


輿地五十七

襄陽府圖

鄖陽府圖

襄陽府圖

[illegible]



襄陽府在省治西北六百八十里。至

京師三千六百二十里。領州一縣六。治襄陽東南  
宜城。西南南漳。東北棗陽。西北光化穀城均州。  
漢水自鄖陽府鄖縣東流入界。經均州西北。仇  
家河出州北冷水山。合二小水西南流注之。又  
東。右納黃峯河。至州治西北。響河出州東北胡  
家山。西南流為板橋河。合青塘河注之。又東南  
經州治北而東。受曾水。水出州西南界賽武當  
山。南流錯入鄖陽府房縣界為梁家河。折東北  
仍入境。日官山河。九道河出州南武當山。合茅



坪河西流來會。又東北。右納澗河。淄河。左納何家埡水。小芝河水。又東北。草店河上承瓦房河水。磨河水西北流注之。又北。左納黃沙河。又北。注漢水。漢水又東南至浪河塘。浪河出州南界毛家山。合蕭河。殷家河北流注之。又東。右納青潭溝水。又東。受均水。水自河南南陽府淅川廳西南流。經州東北。界河上承白石河。石鼓關河。東南流注之。又東。經光化縣西北。安樂河出均州東南大界山。合龍家河。東北流注之。又東。左納六股泉河。青龍溝水。右納石門埡水。又東南。

黃龍泉水出縣北界茅草埡南流合瓦城溝鐵佛寺水注之。又東南右納木牌港水。至縣治西縣河即古洛溪上游曰小橋河自縣北二劈山合孟橋川老虎寺水杜草河南流注之。又南歧為中東西三支。右合界牌溝冷家溝水並東南流復合。經穀城縣東北復歧為二支。東支合光化縣南之陡溝水。西支經縣治東筑口受南河北河合流水。南河自鄖陽府保康縣東流入界。經縣西南。三汊河合涼水泉梅溪水東南流注之。又東北西河東河合東北流來會。又東北溫

坪水東北流注之。黃土河白石河合西北流注之。至縣治東會北河。北河上承張家河自鄖陽府房縣東流入界。左納汪家河右納白峪溝。至花石街南。左納臥佛川。又東流與南河會。又東至筑口注漢水西支。漢水又東南復合。又東南支津東南出為姚家河。右納南川水柳樹溝水。又東南經府治西復合姚家河水。又東經黃家河市北牛首塘南。右納石牌港水。又東經府治西北樊城鎮南受清河。河上游曰黑水河。出光化縣東北合連三橋水。南流經穀城縣東。右納

溫家岡蓮花堰水。又東南經襄陽縣西。排子河。自河南南陽府鄧州來。經光化縣東。至襄陽縣西北。合其州之嵩堰河。大梁河。經石橋鎮西。又南來會。始曰清河。又東南。木柴河亦自鄧州南來。合鄧桃湖水注之。又東南。合七里河。注漢水。漢水又東。受消白合流之水。消水自河南南陽府新野縣合。其縣之黃渠河。泥河南流入界。經府治東北。至兩河口。唐河即此水。亦自其縣來。合棗陽縣之紅河南。長河鎮化河西南流注之。又西南。右納港河水。又西南。會白水。水出棗陽。

縣東北大阜山。合華陽河。金雞河南流。分水嶺水。五城鎮水。金子山水。合西南流注之。又西南柳林河。清潭河。合北流注之。又西折北。優梁河西南流注之。昆水合雲臺山水。牧馬嶺水平頂山水西北流注之。折北。盡水即滾河出。德安府隨州西北石門洞西流。經縣西北。合二小水及邢家川石佛寺諸水。西南流注之。又西與清水會。西南流注漢水。漢水又南。經東津灣西。入南左。納鵠河。右納沙河。又西南經宜城縣北。潼河自南漳縣北東南流注之。折東南。疎水亦自南

漳縣東南流支津南出為木渠其正渠又東流注之。又東南歧為二。左納朱家港水。至縣治東復合。又東南左納兩乳山朱旗岡水。又東南長渠自南漳縣東武安鎮首受蠻水東流經縣西又東南匯為赤湖左合木渠水東北流注之。又東南澗水出棗陽縣西南澗源山合汧泉水沙河板橋河嚴家河西南流注之。又南左納練港水。又東南入安陸府鍾祥縣界受蠻水。蠻水自鄖陽府保康縣東流入界。經南漳縣西南右納莊司河白峪河白駱河。經縣南折東南右納仙


女洞水八都河。至武安鎮清涼河二源合東流。又合四都河東南流注之。又東支津東北出為長渠。折東南經宜城縣西。右納廖家河。又至縣南。黑河自南漳縣西南合太平街水東流注之。又東經破河腦鎮南。又東左通赤湖。又東南入鍾祥縣界。注漢水。沮水南北二源並自保康縣東南流入界。經南漳縣西南。亦曰通城河。又東左納嘉魚河。折西南。右納二水。入荊門州建安縣界。漳水出南漳縣蓬萊洞山。合湖水。河東南流。經雞頭關。右會小漳河。又東入荊門州鍾祥。


縣界。府東及東南界德安府。西及西北界鄆陽  
府。南界安陸府。荆門州。北界河南南陽府。西南  
界宜昌府。



鄖陽府圖一


中






鄖陽府圖二

南





鄖陽府在省治西北一千三百五十里。至

京師二千五百里。領縣六。治鄖縣。南房縣。東南保康。西南竹山。竹谿。西北鄖西。漢水自陝西興安府洵陽縣緣界東流。經鄖西縣西南。仙河上承歐家川。九槐關水東南流注之。又西經藍灘汛。左納藍河水。其南為興安府白河縣界。又西。左納藍草溝。大泥溝。小泥溝水。至甲河關汛。受甲河。河自縣西北境南流。至上津堡。五峪河合馬家溝水西流注之。四峪河合一小水東流注之。又南。左納箭河。右納大壩河。小壩河。又南。

冷水河合兩岔河西南流注之。又西注漢水。漢水又東。左納一水。又東南。紅石河出府治西南。左吉關北流出界注之。又東。右納木瓜溝。左納上溝下溝朱家溝水。又東南。將軍河上承東河西河分水嶺龍山熊家嶺葛藤埡諸水北流注之。又東。右納青洞溝。左納董家溝水。又東。泥河出鄖西縣西南天心山。合小泥河東南流注之。豐里河亦曰花瓶河。三源合北流注之。又東受天河。河自山陽縣南流入界。經九龍山西。右納澮河。至鄖西縣治南。綴浪河出鄖西縣東北黑



龍洞合蒿坪河蔡家河五里河廖家河西南流注之。又東南右合七里河。又南馬鞏河合徐洞河黃沙河水東河麥峪河西南流注之。又東南注漢水。漢水曲東北流左納石人河秋木溝水。右納安城溝小石溝水。又東歸仙河自鄖西縣東南流注之。又東左納塔峪溝水。又東曲遠河上承黑水河葛條埡水箭流河南流注之。又東南至堵河口受堵水。水上源曰柿河。自陝西興安府平利縣東流入界。經竹谿縣南左納王家河。至縣東南秦坪河出竹葉關合石板溪瓦房

溝水東北流注之。又東。縣河出縣西合秋溝黑龍溝竹谿河大峪河進峪河漫夜河黃龍砦水藍家河却家河東南流。尖山河出竹山縣西北合七里溝大丈峪河東南流。二水合流注之。始曰堵水。又東。潛河出縣西南。合洞賓口水西面。河豐溪石板河邊江河四條溝水西北流注之。又東。右納樊定河。經竹山縣西南兩河口。竹山河一名洛陽河。即官渡河。上流為九道梁水。二源並出房縣西南。合馬鞏頭水。官坪水。余家溝。芭箬溝。洪洋坪河。向家壩河。查峪河。太平河。構。

圍河瓦沙河鐵峪河孟峪河峪口水北流注之。  
苦桃河出竹山縣西北。合管家河檀溪河益水。  
折峪河東南流注之。又東北流經縣治西南。深  
河上承房縣西南獐洛河清溪溝五池水。李成  
溝龍駒溝小生河西北流注之。又經治東南。霍  
河上承房縣西南秦口河葉家河東河扁担溝  
高唐河長峪河青龍觀水中溝西北流注之。又  
東北經治東北。北星河出縣西北。合劉家河水。  
坪河琅峪河東南流注之。欽峪河合當峪河亦  
東南流注之。經化口市。又東北。化峪河合梅花

河西北流注之。左納對峙河。又經房縣西北。大木廠河合羊山水。孔家溝水。百福水。板橋鋪水。西北流注之。又北經府治西南。左納甌峪河。右納戴三溝水。又北左納門樓溝。余河水。右納石花溝。及一小水。至黃龍灘司。西流河二源並出。府治南合西流注之。大峽河合分水嶺水。鮮魚溝水。東流注之。左納小峽溝水。又北流注漢水。漢水又東折西北流。左納清水河。東流左納沙溝水。堰河上承先生河。洞于河南流注之。折南經府治西。右納茅窩河。又東流經治南。右納金

魚河。又東。左納趙河。卜家河。楊溪河。右納神定河。即百二河。又東。左納細峪河。及龍門川諸小水。折西南。右納羅家河。經遠河汛。東南流。遠河上承茅塔河。田戶堰水。茅箭河。東北流注之。又東南入襄陽府均州界。南河一曰粉青河。二源。北源曰苦水河。出房縣南紅花朵。合五塘口水。黃龍堰水。鷄子河。盤水河南流會南源。南源曰溫水河。出房縣西南牛碌埡。合魏家溝裏潮河。宋洛河。東北流與北源會。東流。右納大洛溪水。折東北。經保康縣西南。始曰南河。右納羊兒灣。

橫溪水。左納白碧河。崧峪河。至上台口塘。台口河上承唐二河。七汊河。金斗河。西北流注之。又東北受北門河。河二源。一出房縣西北曰長望川。合上達河。湯峪河。指北河。盤峪河。一出房縣東南曰西門河。合三教堂水。二源合東流。經縣治西北。左納唐溪溝。經治北。又東。高視河。合黃泥溝。西浪河。與包家河並南流注之。又東。右納湯池水。烏峪河。廖家河。左納樊家河。七里溝水。曲東流。劉家河。合雙坪河。馬家河。南流注之。折南流。柳峪河。合樹桐溝水。西南流注之。又南為

馬欄河。注於南河。南河又東北。右納葉家河。蔣峪河。永興鋪水。又東北。板倉河。出縣東南。司空山。合羊門洞水。田窩水。豆沙河。化魚溝。三岐溝。銀溪溝。諸水注之。又東。右合三汊河。又東北。入襄陽府穀城縣界。沮水北源曰歇馬河。南源曰壩王河。並出保康縣西南。東南流入襄陽府南漳縣界。深溪河。即蠻水。亦出縣西南。合數水入南漳縣界。八道河。出房縣東北。合存峪河。二小水。北流折東。經百步梯北。亦曰張家河。入穀城縣界。為北河。滔水。自陝西商州商南縣東流入。

界。經鄖縣北。趙河合楊家灣河。青碧河北流注之。又東。東溪河合黃桷河。亦北流注之。又東。左右各納一小水。又東。右納白竹溝。東梁河西寺溝。趙家溝諸水。至官亭鋪北。丹水亦自商南縣東南流。緣河南。南陽府淅川廳界。右納韓城溝。白浪坪水來會。又東入淅川廳界。曾水上承均州梁家河水。南流入界。經房縣北。折北仍入其州界。府東及東南界襄陽府。西界陝西興安府。南界宜昌府。北及西北界陝西商州。東北界河南南陽府。西南界四川夔州府。